

和起鎮中央

宣呪

元始上帝 玉清金文 上御九天 監真鎮仙  
北斗七元 中開五嶽 名山大川 下勅九地  
河海泉源 今日上告 萬神咸聞 修齋行道

請命三官 消愆受福 保天長存 罪根清蕩  
願神願仙 南上定錄 紀名升編 世世安鎮  
保制劫元 享壽元窮 世祚億千 消災度厄  
金龍驛傳

向來宣演消災真文功德周圓伏願千災落  
滅削止府之刑書萬福臻臨紀南宮之德籍  
生生受度劫劫長存稽首皈依无極大道志  
心稱念

五靈五老天尊

出天門送師

且上啓三師真人切以玄壇嚴重幸圓安鎮  
之儀丹範數羅欣慶修齋之典宜由提獎第  
劇版依某向來奉為某崇建某大齋數露真  
文微迎仙馭幸齋功之告畢嘉聖澤之曲成  
仰企青霄莫久稽於鶴馭回瞻紫炁已疾邁

於虬輪清衆運誠修齋奉送

修齋頌 送師

靈寶領教濟度金書卷之一百七十六



正一天師清微弟子 洪百堅 製作

靈寶領教濟度金書卷之一百七十七 卷八

洞微高士開光教若真人案令具啟  
靈寶通玄弘教水南先生林靈真編

科儀立成品類卷用

生身受度儀

步虛 啓師 至受度壇前

宣解穢符 洒淨

設衆真監度醮 宣大道表進呈

贊引至法座前

金闕化身天尊升座

此香凝太極之元精分天倪之妙炁霏煙羅  
絡玄珠洞煥於虛无寶霧回旋神谷潛通於  
家廉祥開五劫運洽三靈蕪向爐中遙瞻供  
養

太上无極大道虛无自然元始天尊太平金  
闕前聖虛皇玉晨大道君太平金闕後聖混  
沌玄元老君東華九微太真上相司命青童  
玉明大道君西靈九真太妙萬炁祖母青金  
丹皇大道君東極青玄老君運明保元上帝  
玉清神霄真王南極長生大帝靈寶自然九

天生神上帝无上度人三十二天上帝太丹  
 交光鬱儀太陽帝君黃華素耀元精聖名太  
 陰元君五方五德星君四曜四餘上真道君  
 南辰六闕上真道君址極九府上真道君三  
 台華蓋星君周天列宿星君十方无極飛天  
 神王長生大聖无量度人不死尊神度世司  
 馬大神好生韓君丈人靈寶護魂侍魄養炁  
 通血中主君靈寶注算記名落死上生大魁  
 君三元三官大帝君靈寶五師真君三天門  
 下大勳魔王九天金錄無量壽生神君九天  
 諸司真君天曹都大校量功德院使真君天  
 曹諸司真君上元金錄院使真君中元玉錄  
 院使真君下元黃錄院使真君南昌上宮朱  
 陵火府太玄生左府主宰高真三洞四輔經  
 錄符法上聖高真仙靈官吏五嶽五帝真君  
 飛仙真人洞天福地得道真仙東華諸官華  
 陽洞天三府領教高仙上聖祖玄真師經籍  
 度師列位真人地水職司城隍社令三界官  
 屬無缺聖衆仗此寶香普同供養聞元始  
 開圖虛皇演教三洞四輔昭回濟度之仁風

八極九坡普沐生成之化雨開陰陽於不夜  
 陶壽域於長春妙契同仁道宏無外且幸承  
 宿慶獲際真機寤寐學真勤拳領教企雄  
 四五之遠洞陰陽三一之微出青入玄燁坎  
 離於神室役神運虎列丁甲於玄關欲祈功  
 行之圓頌沛玄元之澤今有人者是以精心  
 扣請潔已陳情念塵境百年有妄根之結習  
 而業緣三世或宿累之纏縈茲其詔華顛冥  
 輪轉非顧天而請命將無地以措躬庸遵生  
 身受度之科專按預修功德之旨罪消比府  
 刊黑鬱之紛紜名注南宮列金編之錯落砥  
 柱見在津梁未來期增福慶於无窮式固壽  
 齡於有水希望天慈矜憫帝澤周流即傾光  
 而臨軒勅衆真而監度副庶庶皈依之惻敷  
 帝真溥博之恩且不勝激切望恩之至謹稽  
 首再拜以聞

玄運來相征 上景御飛鸞 迅駕檢雲營  
 促校址帝錄 收執群魔明 豁落張天羅  
 故威擲流鈴 金真護空洞 玉光煥八冥  
 金符守上宮 神精戮天精 剪滅萬妖炁  
 億億遍齊齡 上承九天信 嘯命靡不傾  
 招真究三洞 惠誦朗日清 八道望玄霞  
 七轉緯天經 洞合帝一真 拔度七租程  
 削落五苦根 反魂蒙受榮 金光耀寂室  
 神燭自然生 香花散玉宇 煙炁徹玉京  
 帝遣徘徊輦 三元降綠鞵 迅駕騰九玄  
 朝我玉皇庭

本壇謹按靈寶玄科遵嗣師秘旨奉行生身  
 受度三洞金科祇請無缺數衆天尊咸升法  
 座降下百千萬重道炁普遍靈壇神化浮霞  
 明星寶官去地七仞疑九色慶雲以為關鍵  
 忍辱寶光以為却敵大靈真炁以為窠孔智  
 懸寶光以為城塹玄元洞清以為泉池四倍  
 寶光以為階道六慧寶光以為寶樹戒珠寶  
 光以為花寶天花寶光以為薦地虛无自然  
 之光以為金殿瓊樓太虛靈真寶光以為朱

平坐讚 衆誦金真章

天魔乘空發 萬神駭神庭 託化誦歌章  
 隨變入无名 置塵何紛紜 穢道當塗生  
 雲合結未空 北帝湧神兵 鼓極自知道

臺玉闕太真寶光以為八宮虛皇寶光以為九鳳无量寶光以為獅子玉晨寶光以為仙鶴玄靈寶光以為鐘磬玄風寶光以為仙樂法蓋寶光以為神燈香雲寶光以為華蓋朱雀寶光以為幢節青龍寶光以為命魔之幡萬炁寶光以為驛吏之符浮黎元始天尊自眇眇大羅之上分布寶光洞煥太空開明三景上極无上下極无下悉皆朗耀玉女金童靈官仙宰億乘萬騎浮空而來降臨壇所證明受度俾預修弟子并陶沐靈津蕩除垢穢生身受度與道合真法眾運誠稱揚讚詠。

宣呪

今日欣慶受度歷闢諸天請滅三惡斬絕地根飛度五户名列太玄魔王監舉無拘天門東斗主算西斗記名北斗落死南斗上生中斗大魁總監眾靈青帝護魂白帝侍魄赤帝養炁黑帝通血黃帝中主萬神無越三過

大聖元始天尊

第一壇受度

步虛引弟子詣

太一救苦天尊前上香再拜

信禮無上大羅天太一救苦天尊

玄掖振雲袂 飛空舉未央 高步七寶林

道遙天衢長 迢迢玉京山 瓊臺耀飛梁

仰觀黃金闕 俯窺白玉牀 中有黃老君

紫炁幹天章 宴坐捧生籍 綠筆紀華陽

萬劫長無期 超凌不死鄉

巨謹上啓太乙救苦天尊切以東華妙嚴之境鼓舞仁恩北都考對之司主張罪報惟賴威神之力庶開極濟之門重念預修弟子其

浩劫根塵多生障累九玄七祖過愆書北簿之名四負三生怨憾掛玄曹之錄非經蕩滌慮有纏縈或塚訟之潛興或冤尤之報對生身有累道炁未符伏冀廣運慈悲由施惠澤沛陽春於幽夜俾億曾萬祖以超凌煥生炁

於寒庭庶積累故寬而解釋身心清靜福惠昭融一如無量度人之章密契靈寶嗣師之旨衆真監度注上生名玄壇表文謹當宣奉

宣表 關發 宣符奏

本壇遵奉道旨關白太乙救苦仙吏救苦真

人救苦童子靈寶上解祖考靈官千和萬合靈官請啓真慈隨我神運特為預修弟子其升拔祖玄解釋寬對

太乙救苦天尊 宣牒

謹請靈寶追度世民九祖解脫大神度為弟子其超度祖玄斷除塚訟

焚度九祖符

三天煥景 赫明重泉 符光照夜 鐵城開宣

九清有命 結節開連 勅赦所被 七祖九玄

乘光布陽 泛景虛玄

謹請靈寶追度世民六親情眷大神度為弟子其超度宗親解釋考對

焚度六親符

玉清勅下 億劫種親 罪源未釋 考訟生人

鴻恩寵頒 四象吁員 拔出地戶 福慶无違

靈飛靈効 道炁千千

謹請靈寶分釋寬對斷結除仇大神度為弟子其解釋寬仗和平執對

焚解寬仗符

陽光照耀 三景開明 關泰沉滯 吳骨成親

北都部衛 為友為朋 紫清玉文 洞惠冥平  
罪籍蠲除 上升玉京

謹請靈寶解脫除殃消災詛厄大神度為弟子  
其解除呪詛和釋牽纏

焚解呪詛符

寶珠懸空 十遍轉經 齊同慈愛 自然應靈  
開釋考對 萬道昭明 呪詛惡毒 積穢諷零  
乘雲駕空 霄朗澄清

預修弟子其祖玄升度債負清平永無塚訟  
考累之憂任意逍遙於福地獲免執對拘連  
之報隨緣安樂於臺天長處福庭益綿道果  
此皆元始慈悲之大造實由天尊護度之深  
恩所宜稽首肅恭敬神禮謝更憑法衆吟咏  
洞章

吟功德金色光讚

大聖元始天尊

第二壇受度

步虛引弟子詣九幽前上香再拜

信禮無上大羅天九幽拔罪天尊

雲衢耀明景 瓊田植紫芝 神風翔高清

琅琅聲何悲 三華覆八圓 梵炁籠玄機

至道參寥廓 招真凌雲飛 吟哦懼舊燦

閨風映崐池 下有招仙子 千劫戲雲衣

不老游萬天 十極雲霜樓

臣謹上啓九幽拔罪天尊伏以三極權輿敷

浩蕩玄元之化九幽錄籍定校量考對之司

惟賴慈仁庶消咎累重念預修弟子其受生

浩劫踐履紅塵陽罪陰愆寧免三官之鼓筆

昨非今是易令十地之書名匪經赦原坐成

障累既生身之未滌慮道炁之莫臨伏望惠

澤周流洪恩浩蕩疾除罪簿符削死上生之

科落滅惡根契移籍登真之旨一身清淨萬

業昭融一如無量度人之章密契靈寶嗣師

之旨衆真監度注上生名玄壇表文謹當宣

奏

宣表 發關 宣符奏

本壇恭奉道旨關白九幽拔罪仙吏靈寶疾

除罪簿靈官落死上生靈官請塔真慈隨我

神運特為預修弟子其削落愆尤銷除罪籍

九幽拔罪天尊 宣牒

謹請東極青宮九龍使者度為弟子其削落  
罪籍紀錄善功

焚九龍符

東華九炁 玉符自然 帝恩普被 天地生仙

業垢罪波 隨食消捐 靈光曲照 煥映寒泉

結節解散 寬對開連 生死快樂 鬱鬱紫煙

謹請靈寶追索生民罪籍大將度為弟子其

焚滅死籍注上生名

焚削死籍符

天息地澤 大道開明 五靈凝秀 生炁清澄

削落罪垢 毀籍削名 北都宰制 固敢不承

胎青鬱散 掃除寒庭 逍遙元為 南宮上升

謹請青玄移籍司仙官度為弟子其移削陰

簿增紀仙編

焚移籍符

上帝有勅 陰陽運靈 惡根消化 赫喪朱陵

移籍更生 碧簡耀明 元始疑妙 削落死名

三光合景 二炁齊并 紫虛自然 億劫無傾

預修弟子其罪籍既銷生名更錄宿愆冰釋

靈光洞妙於形神善果春融壽域安閑於寥



廓自此福芽山固從茲性海淵澄極地長春  
後天難老此皆元始慈悲之大造實由天尊  
護度之深恩所宜稽首肅恭凝神禮謝更憑  
法衆吟咏洞章

吟焚詞讚

大聖元始天尊

第三壇受度

步虛引詣逍遙快樂天尊前上香拜

信禮无上大羅天道遙快樂天尊

紫蓋榮神麾 朱霜映清微 鬱儀煥丹極

結璘耀玄輝 神風挹三素 九老揚雲鬣

俯仰重霄上 宴樂服靈虛 携晨朝玉賓

西華羅高輝 窈窕方諸宮 青童躡雲輝

旋步歌丹鳳 朗嘯乘雲飛

自謹上啓逍遙快樂天尊切以帝真慈憫終

天植八極之津梁衆生顛冥浩劫圍六塵之

縈縛相期解脫仰企陶鑄重念預修弟子未

世網輪迴識塵流浪三業六根之累久繫行

藏三尸五苦之愆莫能飛度正塗易棘業海

未澄慮生身尚汨於塵波恐道烝未敷於俗

體伏莫洪慈曲運厚澤靡施三天妙光滋沐  
百關而洞朗九陽慧燭照除萬念以安寧一  
如無量度人之章密契靈寶嗣師之首衆真  
監度注上生名玄壇表文謹當宣奏

宣表 發關 宣符奏

本壇恭奉道旨關白逍遙快樂仙吏靈寶斬  
絕地根靈官飛度五尸靈官請啓真慈隨我  
神運特為預修弟子其斷滅業根遣除尸累

逍遙快樂天尊 宣牒

謹請靈寶主非靈官度為弟子其除滅三業

檢制性情

焚三業符

元始靈化 神光鬱燄 輝淪剖判 三極分形

沖和交喪 業累自縈 玉符誕布 罪根肅清

復還本始 神景洞明 陰陽妙運 元亨利貞

謹請靈寶主罪靈官度為弟子其清淨六根

消除繫累

焚六根符

樞機握運 生神布靈 胞胎結節 根塵固凝

天谷大淵 化為仇城 上帝垂光 曲赦無停

北都刊錄 南極紀名 邪不干正 守一回嬰  
謹請靈寶落滅惡道靈官度為弟子其斬割  
三尸永保長生

焚三塗符

玄靈慶啓 三仇交并 欲塵自累 萬罪悉生

太上玉勅 誅斬尸彭 北都苦道 晨輝煥明

三途罪對 萬福來膺 保制劫運 上朝紫庭

謹請靈寶飛度尸累靈官度為弟子其斷絕

五欲常享利貞

焚五苦符

混元羅勃 結紫理青 五賊剪鑿 九竅紛紜

惡根罪障 密映幽高 晨光照耀 五道開明

邪門閉塞 南宮定名 逍遙无極 祖炁流行

預修弟子其業根清淨尸累斷除心地朗明

識大道指歸之路性天昭徹透塵寰虛妄之

關靈源澄湛而五炁朝元神室虛玄而三花

凝混此皆元始慈悲之大造實由天尊護度

之深恩所宜稽首肅恭凝神禮謝更憑法衆

吟咏洞章

吟起度三界難讚

大聖元始天尊

第四壇受度

步虛引詣火煉丹界天尊前上香拜

信禮无上大羅天火煉丹界天尊

西宴瑤池涓 東邀蓬萊津 倏忽越秦田

賜谷耀朱晨 龍旌曳千林 寶蓋迴九真

流鈴煥中黃 握節斥魔氛 萬仙拍手笑

清歌浩无垠 翹傾觀太无 齊齡太山賓

咽服玄英醴 六合雲烟新

臣謹上啓火煉丹界天尊切以金液鍊形虛

皇演登真之玉訣紅塵混迹衆生迷學道之

玄宗願水脫於苦輪合皈神於化治重念預

修弟子其宿履達津幸逢道丞養生保命莫

明固濟之源治病伏魔未悟防閑之要或致

陰陽之寇恐干情萃之和非仗玉符曷消塵

障伏冀慈悲浩蕩符命昭回水火舒二炁之

英形神受鍊乾坤契五行之妙榮衛通真一

如无量度人之章密契靈寶嗣師之旨衆真

監度注上生名玄壇表文謹當宣奏

宣表 關發 宣符奏

本壇恭奉道旨關白火煉丹界仙吏靈寶受鍊更生靈官消諸不祥靈官請啓真慈隨我神運特為預修弟子其鍊質養真獨災保命

火煉丹界天尊 宣牒

謹請金液鍊形符吏度為弟子其潔清形體

迎迓禱祥

焚金液鍊形符

金液鍊形 與道合真 開明三界 是為天根

无為无極 无始无終 元皇九魄 靈魔絳宮

紫雲飛天 身乘六龍 水上火下 流入三宮

神歸陽明 大道自通

太液鍊形 金馬驛程 上下水火 森羅淨密

元範休漢 幽寂度人 受鍊无窮 為道至真

三官升降 五炁合井 太上符命 六丁潜形

紫羅鬱秀 行符玉京

謹請上清太液鍊神符吏度為弟子其澄淪

精神保護經絡

焚金液鍊神符

太上鍊神 九步八坤 行罡七轉 内外合成

三台于午 絳宮受真 符鍊萬虛 赤火降心

辟除惡毒 往來俱榮 社都曲府 雖合上清

大洞自然 風火無傳

坤順內榮 甲乙潜形 三魂受鍊 七魄玄冥

五炁中理 斷滅惡靈 九官康配 列言上清

太乙含光 剪伐魔精 天圓四正 地方神享

受鍊神魂 往來玉京 五嶽鎮伏 萬毒自傾

謹請上清養生保命符吏度為弟子其和合

年齡延續壽命

焚金液養生保命符

天圓地方 六律九章 養生保命 賜我延康

北辰回指 受炁三光 補津鍊神 受且天罡

益真正一 天皇上王 符命升遷 太明和強

天帝玉真 赤童和陽 我道自然 孚澤洞常

上帝玉清 紫微黃庭 三官升降 授我遐齡

金闕玉符 剪魔伐精 九元離合 六政驅兵

水火木土 金方四靈 北帝延年 保命生根

五帝大魔 大帥行刑 内外既濟 元亨利貞

謹請上清伏魔符吏度為弟子其剪伐魔精

巨扶壽命

焚金液炁雷伏魔符

天玄蒼蒼 地黃平平 雷公辟邪 電母應天  
 天丁力士 驅龍在前 風伯雨師 領兵三千  
 摧山破嶽 六丁秉權 統攝魔鬼 擲火成煙  
 四目老翁 大帥仗幡 威猛我神 道炁自延  
 風火水土 流金火鈴 震魔斬鬼 誠伐魔精  
 是鬼畏膽 無輒容情 雷公霹靂 食鬼吏兵  
 三千使者 七千天兵 刀斬斧劈 雷電摧傾  
 群妖東首 鬼精自驚 神罡自揮 天帝靈靈  
 謹請上清治道符吏度為弟子<sub>并</sub>遏截遊精  
 導迎和炁

焚金液伏魔治道符

佐符天乙 治道元君 太白真炁 六甲吏兵  
 吞魔喪魄 攝魅縛精 擲火神王 南神上賓  
 紫微靈官 食鬼吞精 三官總攝 魔祟潛形  
 安我五藏 使我長生 上帝玉符 鍊形甲庚  
 治道神章 炳鍊魁罡 七政八靈 萬神延康  
 三台輔佐 大道吉昌 力士天丁 戮兵元疆  
 流金火鈴 五帝魔王 北辰衛我 天勅皇皇  
 金液神符 三官濟房 流霞赫耀 護我宮蒼  
 謹請上清鎮兵符吏度為弟子<sub>并</sub>統部官將

搜滅魔靈

焚金液總攝領兵符

五藏元君 總攝大神 受鍊我體 制我神魔  
 心肝脾肺 腎目耳靈 幽擊鐘鼓 信雷發聲  
 虛虛玄玄 尊尊臨臨 然尸然鬼 為將為軍  
 太上玉符 洞歌自真 出入自然 乘飛五雲  
 天帝玉真 三皇上君 太乙司令 桃康合延  
 吐毒猛獸 擲火天丁 領兵大將 破鬼滅形  
 五藏神人 各喜安寧 鄭都曲府 明檢鬼管  
 大勳魔王 統領吏兵 三天將軍 吐噴火雲  
 謹請上清絕病延生符吏度為弟子<sub>并</sub>斷絕  
 病源續延壽社

焚金液絕病延生符

太元黃老 九炁真君 三台佐護 佐我身形  
 北極紫微 受鍊臣身 七元覆載 何鬼敢存  
 祛病除邪 萬神自安 五斗神君 調理三宮  
 元始符命 時刻昇遷 金符度命 丈人韓君  
 太上玄靈 至真妙真 洞元太无 紫微道君  
 剪邪破穢 玄惡潛形 何災不滅 何福不生  
 上有北辰 下有元君 五行隨順 道炁自存

往來降升 帝君護魂 天地日月 身騰紫雲  
 謹請上清五行不相尅符吏度為弟子<sub>并</sub>調  
 平五行祛除禍患

焚金液五行不相尅符

天帝上帝 老君道君 元始天尊 天罡四聖  
 水府三官 五嶽四瀆 十二河源 衛吾左右  
 使吾成仙 左右日月 與我除冤 百魔降伏  
 五帝常安 受鍊臣身 萬惡千災 莫之敢干  
 五方五帝 五炁五行 金木水火 元守土皇  
 飛鎮九天 密羅大千 元洞玉曆 太上玄元  
 辟除惡毒 禍患不纏 赤書神宇 體就形全  
 大道不克 身得神仙 太上玄玄 福壽無邊  
 預修弟子<sub>并</sub>鍊形鍊神治邪治病真元肉固  
 華池之玉液周流魔寇外攘天谷之金花固  
 容妙矣登真之訣大哉衛生之經與道合真  
 超凡入聖此皆元始慈悲之大造實由天尊  
 護度之深恩所宜稽首肅恭凝神禮謝更憑  
 法衆吟咏洞章  
 吟蕭然神靜默讚  
 大聖元始天尊



第五壇度度

步虛引詣朱陵度命天尊前上香拜

信禮無上大羅天朱陵度命天尊

高仙尊帝一 全真妙雌雄 高奔契八素

混合百神功 二老兩仙王 五靈符藉同

神光耀玉樓 妙矣雲氣重 是謂大洞法

九夏步玄穹 金津和玉液 咽服瓊樹豐

鬱羅朝太上 揚袂歌天風

且謹上啓朱陵度命天尊切以全真濯質三

天垂洪澤以陶鑄結炁生神八極賴洪恩而

化育懇祈激切覆護昭彰重念預修弟子某

幸脫塵蹤昭膺道炁三田五藏慮根源本始

之高難四體百關恐營衛陰陽之未固惟周

旋於慾境易蕩失於天真非藉生成易全造

化伏冀廓施妙運密幹神樞陶沐五靈復二

十四神而混化纏絡九炁保百八十節以開

通真元充盈精神煥耀魂強魄弱陽長陰消

一如無量度人之章密契靈寶嗣師之旨衆

真監度注上生名玄壇表文謹當宣奏

宣表 關發 宣符奏

本壇恭奉道旨關白朱陵度命仙吏靈寶護  
魂侍魄靈官養炁通血靈官請啓真慈隨我  
神運特為預修弟子某攝整身神鎮安官室

朱陵度命天尊 宣牒

謹請上部八景內神度為弟子某安鎮上部

斷絕災衰

焚上部八景符

上元虛元 元洞九王 太上阿房 流靈威戶

玉衡攝炁 腦華元觀 統御上部 通神達古

謹請中部八景內神度為弟子某安鎮中部

辟斥凶災

焚中部八景符

赤明開真 三天洞和 洞納陽光 五藏不枯

三啓所保 朱宮扶疎 納鍊流泉 生元无祖

謹請下部八景內神度為弟子某安鎮下部

養護根源

焚下部八景符

黃中理炁 元生白尊 胃管曲通 六府俱存

白元无英 桃康得淳 養育朱丹 洞神往還

大聖元始天尊

且謹上啓无上九天自然生神上帝恭望聖  
慈矜憫天澤昭宣特為預修弟子某降自然  
九天真炁灌沐形神俾獲具足願宣符命伺  
候天恩

九天生神天尊

謹請鬱單无量天帝真胞命元一黃演之炁

度為弟子某繼其胞使胞元宣通上徹於天

以生成

焚鬱單无量天符

太霄空洞炁 結炁成雲營 我玉挺神匠

有化若无形 无形中有真 有真无中生

眇養玄虛丘 蕭蕭元始精 法景明妙覺

玄運來相征 列宿羅玉宇 飛霞超綠瓊

煥落三晨耀 流光鬱紫清 携襟玉景臺

解懸戲鳳城 迴霄登九嶺 以啓不窮齡

誰能同此遊 可來尋余名 余名甚易知

要在東華庭 自可朝玄都 精微思帝靈

棄去雲外念 專一守黃庭 披誦太霄章

三關當自明 玄降徘徊聲 虛遣飛霞耕

九天雖云遊 妙想安爾形



謹請上上樞善元量壽天帝真胎命元洞冥  
紫戶之炁九重下降為受度弟子其纏其胎  
使胎根結節下墜於地以固靈

焚上上樞善無量壽天符

靈運塔空洞 金真秀瓊胎 法景太寂庭  
玄化自相摧 歷劫淪九冥 與道契幽期  
三晨告元始 運通自來綏 匡嚮明霞上  
流精耀玉枝 顧盼无中有 混合似嬰兒  
父寧與母精 逍遙戲鳳臺 落景遊雲房  
獨妙誰能知 合慶離羅門 解袂紫霄崖  
若欲相尋索 精研琅書辭 回轉瓊文章  
天王自當之 洞存帝一尊 以為求仙基  
絕念棄外想 常使心神爽 積感致真降  
鬱然煥羽儀 拔度七祖根 咸同登雲階  
玉章映高靈 瓊文難尋思 二妙以相和  
名稱本不齊 子欲戲九玄 但誦太霄詩  
萬劫在俄頃 勿憂天應遲  
謹請焚監須延天帝真魂命元長靈明仙之  
炁九重下降為受度弟子其纏其魂使魂門  
開通神以達精

焚梵監須延天符

澄清無毫穢 結炁成紫暉 丹霞映藍天  
羅布乃南迴 三晨明列宿 七轉朗太微  
靈風扇奇花 玉籟聲何悲 神鳳翔瓊林  
群仙振羽衣 天王承運征 握節總萬機  
虛輪擲空洞 遼朗九天扉 提携宵中賓  
解襟入渙幃 敷爛扶晨炁 耀羅煥玉階  
凌梵映朱日 千景翼靈暉 飄飄元化內  
玉輦正徘徊 公子命虎符 總攝萬神歸  
拔滅七祖根 窮魂皆仙飛 琅書慶雲庭  
瓊文洞虛微 精研道日緝 億劫齡不衰  
萬化隨運遷 乃知妙者希  
謹請寂然梵術天帝真魂命元碼尸冥演由  
之炁九重下降為受度弟子其纏其魂使魂  
戶閉關天王降仙以安寧

焚寂然梵術天符

左顧見无英 右盼親白元 履昌度金蘇  
太一挺命根 為我紀仙籍 授我度命文  
清唱運天真 靜思理百關 帝一鎮靈宮  
法服飛青裙 相與契何許 合會九天端  
有日若无期 皇華正四圓 至感棄餘念  
道從玄中傳 靈感各有運 至學无多全  
謹請彼羅尼密不驕樂天帝真藏府命元五  
仙中靈之炁九重下降為受度弟子其纏其  
五藏使五藏納涼五帝朝真以存神

焚波羅尼密不驕樂天符

空中生紫煙 鬱勃翳華宮 流明順運迴  
丹霄映綠房 翼輔虛中景 耀靈煥十方  
萬帝由真運 莫若九天王 體結自然秀  
含炁挺虛宮 理化正四維 號與正帝宗  
落景乘八煙 總攝輪空洞 朝遊西臺館  
夕憩扶桑宮 攝校玄圖錄 拔度東華宮  
桃康定命籍 明初保劫功 流盼无涯際  
萬化隨運空 飛步誦太霄 幽尋元始踪  
積思感至寂 以至登玄聰 宿基流餘慶  
七祖返南宮 五苦非所履 結友在太空

尋岳非常宅 飛雲是我龍 結携九嶺真  
偶景以成雙 何為坐羅穢 婆娑待命窮  
謹請洞玄化應聲天帝真靈府命元高仙沖  
融之炁九重下降為受度弟子其繼其六府  
使六府調泰胃笈生津以納和

焚洞玄化應聲天符

三十一

高靈秀空洞 凝炁結朱煙 握節迴九霄  
飄飄天帝真 瓊臺耀巖阿 紫鳳鬱玉麟  
靈歌逸幽宮 蕭條雲上人 携契七映房  
金羅煥中田 天王正有九 飛仙有億千  
洞陽鬱靈標 為兆度命年 丹華朗朱日  
流芳灌苑身 仰歎月中漿 九源降液津  
永保不終劫 內外洞虛解 積思感太空  
洞明无極淵 形與混合同 遊宴莫能旋  
謹請靈化梵輔天帝真元府命元高仙洞焚  
之炁九重下降為受度弟子其繼其九竅使  
九竅開聰星辰朗明以開通

焚靈化梵輔天符

三晨朗幽夜 流霞耀金日 丹房煥嵯峨  
靈香繞瓊室 父子合慶堂 履昌携帝一

三元混合宮 微言甚憂密 此欲度命年  
靜思勿雜改 寂若雖云无 真從空中逸  
慶加靡不周 七玄自家技 種福有重基  
宿根咸消滅 瓊文有妙章 斯篇慎勿失  
存念至靈章 道降同玄一

謹請高虛清明天帝真華府命元真靈化凝  
之炁九重下降為受度弟子其繼其八景使三  
部八景整具形神幽夜光明以防身

焚高虛清明天符

九玄洞元炁 紫素凝玉霄 靈秀煥金門  
神融茂瓊條 豁落紫虛館 慶雲隨化消  
淵響扣靈機 法鼓振天幽 宴景玄晨闕  
流迴薄靈塵 巨響九天外 運駕以道遙  
徘徊紫霞峯 密治玉皇朝 萬劫不俄頃  
倏類二象交 虛庭无積遠 去來順運家  
大化不改度 三晨洞靈標 瓊書慶雲室  
瓊文理清誥 合秀同玄挺 反空飛華翹  
謹請无想无結无愛天帝真在府命元自然  
玄照之炁九重下降為受度弟子其繼其身  
使三關五藏六府九宮金樓玉室十二重門

紫户玉闕三萬六千官府三千十六機關根  
源本始一時生神使萬神具備毛髮生身諸  
天下臨以得生

焚无想无結无愛天符

玄炁結九霄 紫玄朗太陽 飛瓊度華芒

流精凝玉霜 天真乘運迴 薄雲茂玄梁  
冥會自相感 丹霄映輕行 幽期高宸府  
携契朝玉京 靈化沖漠裏 家家冥運彰  
流芳翳朱日 迴風迅奇香 煥爛金門上  
瓊臺吐玉英 蘭芝盈玄谷 仰咽六胃昌  
神逸感右宮 憂思撤洞鄉 執契太霄館  
歸真瓊文章

大聖元始天尊

巨謹上落五方五靈五老上帝恭望聖慈矜  
憫天澤昭宣特為預修弟子其降自然五芽  
靈液灌沐五行俾獲具足頌宣符命共伺天  
恩

五靈妙化天尊

謹召青帝直符上詣九炁青天安寶華林青  
闕青靈始老天君蒼帝官請以青平青炁灌

注弟子流入泥丸分布九炁煥映九戶直入  
肝宮下注百脉守護肝神龍淵含明九魂衛  
之使肝炁鬱勃周流紫微上營目瞳下溉玄  
關彌羅宮府植華挺秀受鍊更生

焚青帝符

東望重拜手 蒼帝玉皇君 靈風鼓素籥  
育物布元春 雲龍纏巖駕 玉衛擁瓊輪  
枯萌汎沾及 大惠元不均 萬仙歌以道  
委曲戒天人 心根迷自固 拱跪戴洪仁  
謹召赤帝直符上詣三炁丹天梵寶昌陽朱  
闕丹靈真老天君赤帝宮請以南和絳炁灌  
注弟子流入泥丸分布三炁洞煥三宮直入  
丹臺調和陰陽守護心王丹元守靈中女大  
神主之使心炁怡懌經歷六合上營舌本下  
溉三焦升降不息植華挺秀受鍊更生

焚赤帝符

太景闕玉樞 洞堂啓金除 騫林陰瑤砌  
丹鸞踏瓊珠 寶房名曲麗 明堂神所居  
飛遊豁雲道 引目眇真都 天日永不夕  
重煙鎖清虛 太上勅印開 怕九羅簡書

裨風樹玄化 慈愍諒有餘

謹召黃帝直符上詣一炁黃天寶劫洞清玉  
家金闕元靈元老天君黃帝宮請以中央黃  
炁灌注弟子流入泥丸分布一炁洞照黃野  
直入太倉調和榮衛守護脾神常在理停靈

元主之使一炁沖和長津益命上營天宅下  
溉金門植華挺秀受鍊更生

焚黃帝符

萬天拱中宸 控駕玉化根 翹機貫億層  
洞朗闕四門 大有混皇真 糾制星宿魂  
非帝道不運 有方類之存 威忿即霜和  
和預為陽春 生成控元紀 仰荷戴无垠  
謹召白帝直符上詣七炁素天七寶金門玉  
闕皓靈黃老天君白帝宮請以西華白炁灌  
注弟子流入泥丸分布七炁洞煥金宮調和  
液炁守護肺神皓華虛成七魄主之使肺炁  
清涼上衛神虛下灌黃庭植華挺秀受鍊更  
生

焚白帝符

六甲抱金闕 七政守靈壇 流鈴擲火化

威劔巨龍蟠 遯彼素靈真 明憲執敢干

束制妖鬼魔 凜落霄風寒 沴炁既已息  
萬天俄而安 真儔倚天庇 抵頰相歌歡  
謹召黑帝直符上詣五炁玄天洞陰朔單鬱  
絕玄混黑闕五靈五老天君黑帝宮請以幽

昌黑炁灌注弟子流入泥丸分布五炁光耀  
太微流芳布澤守護腎神玄冥育嬰玉女靈  
珠主之使腎炁盈溢精通日月上達崑崙下  
守玉扁植華挺秀受鍊更生

焚黑帝符

无質統有物 淵号上帝心 不啓不發道  
蘊妙化機深 恐爾漏未盡 陰想勿浸淫  
輪轉无涯波 苦道相迷尋 萬年當謹約  
一旦自運沈 无神落鬼境 殃遣不可任  
預修弟子其真炁充盈元神固密三章十轉  
符回靈齊仙之功萬合千和契雌雄回風之  
妙神輝充映液炁敷流身生碧玉之英體合  
飛玄之景此皆元始慈悲之大造實由天尊  
護度之源思所宜稽首肅恭凝神禮謝更懇  
法來吟咏洞章

法來吟咏洞章



吟五靈度符籍讚

大聖元始天尊

第六壇受度

步虛引詣無量度人天尊前上香拜

信禮無上大羅天無量度人天尊

乘煙結霜友 御鸞歌寥闕 北登廣寒室

玄英玉鍊顏 飛步天圓上 雲璈鳴鼓彈

龍駟駕虎袂 朝挹扶桑暎 夕憇旗珠影

携提控九玄 遨遊太空館 徘徊運朱輪

受書登南丹 長歌億萬春

臣謹上落無量度人天尊切以諸天紀名玉

籙定超升之路生身受度金科推浩蕩慈恩

期圓滿於丹衷必皈依於玄造重念預修弟

子其脫塵離妄鍊質生神北闕承恩猶賴眾

真之監度南昌注籍庶令萬物以生仙企三

十二帝之化權實上聖真仙之主宰秉長生

籙度善功人護佑得道之身扶持學仙之士

匪憑保舉曷證真常伏冀普放慈光廣施惠

澤密行闕報期垂保度之洪恩永賴陶鑄即

紀姓名於玉簡魔試無惱道果圓成一如無

量度人之章密契靈寶祠師之旨衆真監度  
注上生名玄壇表文謹當宣奏

宣表 闕發 宣符奏

本壇恭奉道旨闕白無量度人仙吏度人不

死尊神南極長生大君度世司馬大神好生

韓君丈人靈寶生身受度靈官諸天紀名靈

官請啓真慈隨我神運同誠上啓三十二天

上帝恭望聖慈矜憫帝澤昭宣特為預修弟

子其鑿錄善功度名仙籍頒宣符命共伺天

恩

無量度人天尊 宣牒

謹請東方八天帝君自然真炁度為弟子其

護佑道果保度善功

焚東方八天符

廣生高映 覺元洞虛 應玄九具 化交擊圖

文靈運構 宗範玄都 威靈總括 威招自成

綠木遶景 皇道合明 天休耀耀 炁精育魂

融羅負立 圓英隱靈 期巨神色 洪網告寧

謹請南方八天帝君自然真炁度為弟子其

護佑道果保度善功

焚南方八天符

章英通泛 堅敷濟宗 虛象玄華 龍陽憐穹

微正宵艷 淵大凝紳 元闕三紐 大梵飛空

隱覺隆益 天倫慶呈 神戶纏絡 真元散精

淨極明照 徊合昇遷 導霧雲雲 靈應騰文

謹請西方八天帝君自然真炁度為弟子其

護佑道果保度善功

焚西方八天符

剛澤微控 陰峻孤儀 貫炁靈素 宸洞開微

周化幽映 澄輝帝臺 平遊抱虛 恢茂重池

結靈臨育 履元散開 陽通百六 沉芒隱階

幽廓冥默 真峯會靈 堅不順道 告命霽林

謹請北方八天帝君自然真炁度為弟子其

護佑道果保度善功

焚北方八天符

龍安洞變 純陽隱玄 方本還炁 象伏高圓

神變惠充 解鍊靈根 赤精純道 威號威尊

利雲有常 德刃中丘 爵城瓊壘 諒音慶流

受位玉室 大憲通幽 玄章煥落 網羅乃周

預修弟子其身沐道風名登天錄證品受度



超三界之輪迴學道修真悟一乘之玄奧地  
 祇右列五帝司迎神明護門千靈有翊克圓  
 成於勳行將步武於紫清為聖君金闕之臣  
 作玉皇香案之吏此皆元始慈悲之大造實  
 由天尊護度之深恩所宜稽首肅恭凝神禮  
 謝更憑法界吟冰洞章

吟故設大法橋讚

大聖元始天尊

第七壇受度

步虛引詣長生護命天尊前上香拜

信禮無上大羅天長生護命天尊

朝登太微室 夕憩朝陽臺 天風扇清陰

榮駕五雲回 星珠羅岩漢 綽約流九垂

眇奉御明煙 圓霄宴玉墀 神虎攝萬魔

靈威煥巍巍 金真檢雲營 玉室煥靈階

丹丘無圓方 奇哉仙真才

且謹上啓長生護命天尊切以天列三辰之

運威光耀燦於圓方人為萬物之靈災害權

衡於經緯仰依仁蔭庶拜真意重念預修弟

子某善芽密固道炁充周名書上天期進修

於萬善迹來下土未超離於五行或飛流慧  
 宇之憑凌致身命運限之衝戰障魔易撓道  
 體庸虧伏冀廣運威神廓清分域凝輝舒耀  
 福源符山嶽之雲升退舍敏芒妖氛若虛空  
 之電掃庶興居之泰定遠葆鍊之精勤一如  
 無量度人之章密契靈寶嗣師之旨眾真監  
 度注上生名玄壇表文謹當宣奏

宣表 關發 宣符奏

本壇恭奉道旨闕白長生護命仙史靈寶上

清天災靈官無所不稷靈官請啓真慈隨我

神運特為預修弟子某消息星躔降祥輔道

長生護命天尊 宣牒

謹請太陽帝君度為弟子某保固陽精辟除

災難

焚太陽符

赤爐丹景 圓天大明 扶桑啓晨 太虛育英

九陽齊化 煥耀朱精 五帝命靈 御採飛盈

流霞洞照 降福雲象 使我自然 保天允傾

謹請太陰帝君度為弟子某保固陰精辟絕

厄難

焚太陰符

黃精玄暉 浮理九空 散鬱靈魄 元精流通

虛波瀾頻 夜景飛宮 乘霞逸彩 結靈雲東

天人合化 內映還童 刻名玉札 天地無終

謹請五方五德星君度為弟子某調理五行

永保長生

焚五星符

元流靈精 照映五方 化敷育龍 華敷丹星

素曜鍊真 圓營玄芒 中元徘徊 鬱勃靈祥

洞煥下土 保慶翔翔 紫綸定錄 億劫無疆

謹請南斗六司真君度為弟子某延續壽命

辟斥災危

焚南斗符

太微綠景 真炁洞明 璇珠貫霞 網緇天階

丹華天闕 神光化孩 赤煙混合 浩劫徘徊

注我生籍 壽命巍巍 庚媿呈試 流鈴煥威

謹請北斗七元真君度為弟子某圓護福壽

洗蕩災衰

焚北斗符

飛天九宸 威鎮八冥 玄神煥精 豁落天衡

乘鬼命杓 削死華生 回旋樞機 出入上清  
劫塵自在 眉壽天并 騰飛受福 與帝同駢  
謹請四餘真君度為弟子某 錫消厄難降福  
延齡

焚四餘符

玄綱幹緯 餘炁彰奇 天一太乙 機杳攸宜  
首尾列御 隱曜潛輝 周旋經舍 斤莖糾非  
司令定錄 喜慶同歸 保扶運度 宰制凶衰  
謹請五斗星君度為弟子某 增注生籍斥絕  
災凶

焚五斗符

華蓋膏映 五斗承天 龍虎鳥蛇 四極周連  
御我命籍 紀名丹編 消愆削過 保固生根  
垂精成象 吉慶同聯 五靈休微 永列飛仙  
謹請二十八宿星君度為弟子某 增延壽美  
禳逐凶災

焚二十八宿符

天關四張 玄機羅施 素雲交映 玉霞散輝  
天權天市 紫微太微 秉耀龍首 角尾流被  
虎嘯金曲 奎參揚威 丹禽吐翼 龜蛇虛危

結精耀彩 列司梓機 光冒八表 編消辟非  
移名生籍 列滅摧揮 坤旋乾轉 魂魄相隨  
預修弟子某 皈命展芒 馳神碧落 金木水火  
土無干陰陽之和 年月日時 胎永絕刑衛之  
咎 支干穆若 運限康如 固壽域之穹窿 衍福

源之浩渺 體涵道炁 精九還七返之機 心契  
真乘符九轉八成之妙 此皆元始慈慈之大  
造 實由天尊護度之深恩 所宜稽首肅恭 疑  
神禮謝 更憑法衆 吟咏洞章

吟聖德流科教讚

大聖元始天尊

第八壇度度

步虛引詣轉輪聖王天尊前上香拜  
信禮無上大羅天轉輪聖王天尊

迆景宴紫清 雲旌舞丹青 遊觀瑤臺上

鈞天何迢迢 流風煥鸞樹 神光耀瓊瑤

仰瞻玄珠華 金座輝層洲 萬天拱西皇

羽履回煙輶 八浮羅鳳蓋 琅樹映飛颺

霜鑄帶神徽 千齡如一朝

臣謹上啟轉輪聖王天尊切以玄黃剖判亦

書開天地之根 關軸垂文玉字 度陰陽之會  
非繇提拔曷遂 道遙重念預修弟子某 獲值  
仙風幸膺道炁 金液鍊而形神俱妙 名度仙  
班玉符告而經緯周流 身遊福地 惟道是守  
與天齊年 尚慮芥石之期 或際九六之變 伏

冀天光翊衛帝澤 巨扶佩八鳳之龍文 保制  
劫運藉五山之神呪 過度災期 高觀游翔 登  
真度命 蛟龍開道 超三界以飛行 靈寶長生  
由五炁而永鎮 不罹激運 長為種民 一如無  
量度人之章 密契靈寶 嗣師之旨 衆真監度

注上生名玄壇表文謹當宣奏

宣表 關發 宣符奏

本壇恭奉道旨 關白轉輪聖王仙吏 靈寶隨  
劫輪轉 靈官過度 三界靈官 請運真慈 隨我  
神運 特為預修 弟子某 授以赤書 保度 否運

轉輪聖王天尊 宣牒

謹請東方始老九炁天君 度為弟子某 保制  
本劫過度 災凶

焚東方青帝真文 宣牒

九陽回妙炁 三景散元精 碧藹浮靈篆

青林散淑英 道遙玉清府 遠邈蓬萊瀛

真化通无間 神風傲萬生

謹請南方真老三炁天君度為弟子其保制

火劫過度災凶

焚南方赤帝真文

浩劫開神運

龍文泛赤霞

八威奔電激

九龍破凶邪

鍊度丹皇室

飛升元始家

真明常繼照

靈慶襲晨華

謹請中央元老一炁天君度為弟子其保制

土劫過度災凶

焚中央黃帝真文

混黃生一炁

感化結真形

上德持柔順

金光洞杳冥

建中該九極

執本統三晨

燁燁天端上

飛芒耀玉靈

謹請西方皇老七炁天君度為弟子其保制

金劫過度災凶

焚西方白帝真文

白帝儲靈粹

金精耀斗威

六天威賊滅

萬室復幽微

真炁滄高闕

寒光藹素輝

空同披玉勒

華鬘九霄飛

謹請北方玄老五炁天君度為弟子其保制  
水劫過度災凶

焚北方黑帝真文

五炁符元妙

諧天混太冥

辰精飛羽黑

玉女散華清

紫丹封天寶

玄光稟帝庭

群魔歛至化

萬國保安寧

預修弟子其運值太平身膺道德靈寶流布

負光明八會之章劫運交周免否激三災之

患轉輪不滅神仙有成東華定紫策之書南

宮列青編之錄此皆元始慈悲之大造實由

天尊護度之深恩所宜稽首肅恭凝神禮謝

更憑法衆吟詠洞章

吟金光散紫微讚

大聖元始天尊

第九壇受度

步虛引詣寶華圓滿天尊前上香拜

信禮无上大羅天寶華圓滿天尊

琳瑯魁華晨

九遐凌非煙

左顧招元英

右盼揖白元

神光仰玄素

黃老俯芝田

吉光駕飛來

遊戲控流駢

高皇觀紫微

恍朗遊萬天 春秋無凋謝 千劫窮遐年  
至真無所得 攜提靈景仙

謹上啓寶華圓滿天尊切以修真學道賴

三天陶冶之恩膺錄受圖實德運超凌之信

存千終惠敢昧初忱重念預修弟子其跡邁

紅塵名登碧簡七政璇衡之運拱翊千靈五

篇靈寶之章扶持萬劫重由夙慶際此真風

惟金錄度命之文有流金鍊具之妙勤拳心

映激越仙飛伏莫成就丹衷提携復學東華

妙戒佩之者謹妙三元南宮玉符受之者騰

升上景昭見在之柱石作未來之津梁一如

無量度人之章密契靈寶嗣師之旨衆真監

度注上生名玄壇表文謹當宣奏

宣表 關發 宣符奏

不壇恭奉道旨關白寶華圓滿仙史靈寶名

列太玄靈官歷關諸天靈官請啓真慈隨我

神運特為預修弟子其分環破券證品成具

寶華圓滿天尊 宣牒

謹上啓天地水三官帝君以今奉為預修

弟子其生身受度仰荷道力克獲圓成今按



靈寶度人之道度其形神永无輪轉全賴聖  
慈密垂鑒映日不勝慶祝之至

宣詞

一嘆天官度爾身飛天神王下觀其身書其  
功勳上奏諸天

二嘆地官度爾身三界侍衛地祇護門魔王

監舉无拘天門

三嘆水官度爾身諸天上帝記爾之名萬神

侍衛右列至人剋得為聖君金闕之臣

大聖元始天尊

○ 臣謹上啓靈寶五師真君以今奉為預修弟  
子其生身受度仰荷道恩克獲圓成今按靈  
寶度人之道傳授寶錄破券分環全藉聖慈  
特垂鑒映日不勝慶祝之至

宣蘇付受度弟子 執券畫一

畫一之後伏願眾真監度四輔列位五老監  
真太一命辰玉帝唱盟大道命符與天齊年

以券付弟子 執環

分環之後伏願寶守盟誓出有入無道遠自  
在魔王監舉與道合真身超三界永无輪轉

以環付弟子

大聖元始天尊

靈寶度人之道更有洞真元始譜錄太真玉  
訣寶符有南昌上生寶符有東華青宮九龍  
寶符有青玄黃籙誥命飛雲通遊移籍玉券  
有昇天保舉合同大券今當恭對道前一  
傳授水為身寶佩奉弗忘自然諸天下觀上  
帝遙唱萬神設禮地祇侍門崇武紫清形神  
俱妙超度塵劫與道合真仰冀三寶上帝萬  
聖千真無慈悲證明傳度

宣太真玉訣寶符

宣南昌上生寶符

宣青宮九龍符命

宣移籍合同券

宣昇天保舉合同大券並付弟子

洞玄妙光 无量度人 元始教化 三天合真

金符玉章 升飛劫因 洪災度過 朝拜帝君

道運上清 永為種民 金門平步 高躡雲軒

體映玉光 德劫長存

預修弟子其風植德因幸逢聖運祖玄超度

究債和平削死上生消愆遂安形神鍊而性

命合道星辰拱而步武通玄五帝分精九霄

降赤名列諸天之碧簡身膺三寶之金符意

亦超凡魂神澄正證自然之法體登大妙之

黍珠靈物靈光洞朗三關之妙迴旋祖炁超

騰億劫之天玄會無為神合真寂此皆元始

慈悲之大造實由天尊護度之深恩所宜藉

首肅恭凝神禮謝更憑法衆吟詠洞章

吟身飛登天衛讚

大聖元始天尊

○ 上來數聞玄壇快揚寶範按預修功德之旨

遵生身受度之儀奉為弟子其肅建齋功證

品登度消罪名於北府注生籍於南昌仰荷

聖真克獲圓滿修崇功德特具牒文宜整容

儀拱聽宣告

宣功德牒

文牒披陳善功赫奕伏願精懇香火深崇山

林神虎金真聖魔呵衛威神榜史隨我護持

蕩塵境之萬緣實魔關之兩半膺符御籙神

凝空洞之天出有入无身際太平之運更宜



皈依三寶禮謝兼具稽首恭辭伏惟珍重

三禮謝

至心稽首禮謝

太上无極大道

至心稽首禮謝

三十六部尊經

至心稽首禮謝

玄中大法師

巨闢二儀育質九炁凝形千真皆會於三田  
九炁森羅於六府百關通暢九竅開聰魂靜  
魄寧神清炁爽生身受度非憑茲功德福壽  
見在津梁未來俯遂丹衷實蒙玄貺且等草  
茅賤質蟻蟻微生輒膺命以求具仗洪慈而  
濟物度伸慈愜普被恩光既釐事以慶成豈  
塵凡之久駐伏望雲車風馬齊二十八却返於層霄  
珠藥玉華盡飄零於碧落二十八等仰謝天恩下  
情無任激切之至

回駢頌

法師下座送真

焚燎

贊引歸靜默堂

小啓謝師

向來

靈寶領教濟度金書卷之一百七十七

正一天師清微弟子 洪百堅 製作



靈寶領教濟度金書卷之一百七十八 垂元

洞微高士開光救苦真人竈金真授

靈寶通玄弘教水西先生林靈真編

科儀立成品類修黃  
蘇齋用

傳戒儀

華夏贊引出戒座前

唱座

空浮獅座赤明初 玉局開祥萬變居

今日靈虛漸接武 宗乘奕奕耀堪興

金闕化身天尊

升座 學仙讚

此香自本自根非雕非琢芳凝太極開鼻觀  
之清氣韻微先天洞心源之妙化藝向爐中  
遙伸供養

無上至真道寶上祝

皇帝陛下伏願化周坤軸德契乾儀諸夏版  
仁普同穎雙岐之瑞四夷慕義統異俗重譯  
之祥禽魚飛躍於至和動植蕃鮮於大治

初捻上香

此香微妙天鍾希夷地結根盤西閭接齋翠